

enjelok notami ilo an ar Iroj Jisōs Kraist itok.

Pil. 4. 9. jap. 3. 13.

24 Etiljek eo Ej kir kom, im E naj bareinwōt kōmōne.

2 Tes. 3. 3.

25 Ro jātīm, komin jar kin kim.

2 Tes. 3. 1.

26 Komin yokyokwe jimjān jim-

jāten otemjej kin mejeuma ekwojarjar.

Rom 16. 16.

27 Ij kanōjnij nōn kom ilo Iroj bwe komin konono letter in nōn jimjān jimjāten otemjej.

Kol. 4. 16. 2 Tes. 3. 14.

Joij an ar Iroj Jisōs Kraist en ber ibemi.

Rom 16. 20, 24. 2 Tes. 3. 18.

LETTER KEN KA RUO AN PAUL NŌN DRI TESSALONIKA.

JAPTER 1.

PAUL, im Silvenōs, im Timote, nōn eklisia an ro dri Tessalonika ilo Anij Jemer im Iroj Jisōs Kraist;

2 Kor. 1. 19. 1 Tes. 1. 1.

2 Joij nōn kom im ainemōn jen Anij Jemer im Iroj Jisōs Kraist.

1 Kor. 1. 3.

3 Emōn kimin kamolol Anij ien otemjej kin kom, ro jātīm, ekar ein drein, bwe ami tōmak e kanuij edreklok, im kaju iami otemjej yokwe dron e kanuij lap;

1 Tes. 1. 2, 3. jap. 2. 13.

4 Inem kimij kimjāje kin kom ilo eklisia ko an Anij, kin ami kijemij im tōmak ilo matōrtōr im iñtan otemjej rej walok nōn kom:

2 Kor. 7. 14. & 9. 2. 1 Tes. 1. 3. & 2. 14, 19.

5 Eo kakōle alikar an Anij ekajet jime; bwe En watōk kom ekar nōn allīn in Anij, eo komij bareinwōt iñtan kin e:

Pil. 1. 28.

6 Elafie ejime an Anij nawōnair kin iñtan ro rej kaiñtan kom,

Rev. 6. 10.

7 Ak komeo, komij iñtan nawōnami kin kakije ibem ilo kwalok Iroj Jisōs jen lōñ iben enjel ro an kajur eo an,

Rev. 14. 13. 1 Tes. 4. 16.

8 Ilo kijeek eurur, im E naj lelok

irenwōne nōn ro re jab bokake gospel an ar Iroj Jisōs Kraist:

Hib. 10. 27. & 12. 29. 2 Pit. 3. 7. Rev. 21. 8. 1 Tes. 4. 6. Rom 2. 8.

9 Ir re naj iñtan ilo kokkure in drio im joko jen mejen Iroj, im jen wuj in kajur eo An,

Pil. 3. 19. 2 Pit. 3. 7. Isa. 2. 19. jap. 2. 8.

10 Nē E naj itok bwe En aibujuij ilo rokwojarjar ro An, im bwe En men in bwilōñ ilo ro otemjej r'ar tōmak (bwe kom ar tōmak am ken-nan nōn kom) ilo ran eo.

Sam 68. 35. & 89. 7.

11 Nōn men in kimij jar kin kom ien otemjej, bwe ar Anij en likit kom ekar nōn An kir kom, im kajejit kōnan otemjelok kim emōn, kab jerbal in tōmak ilo kajur;

1 Tes. 1. 3.

12 Bwe etan ar Iroj Jisōs Kraist en aibujuij iloami, im komin ilo E, ekar nōn joij an ar Anij im Iroj Jisōs Kraist.

1 Pit. 1. 7. & 4. 14.

JAPTER 2.

AKIMIJ akwelap nōn kom, ro jātīm, kin an ar Iroj itok, im kin ar kweloklok nōn iben,

Mat. 24. 31. Mark 13. 27. 1 Tes. 4. 16, 17.

2 Bwe en jab mōkōj an kamōkit kom jen ami jela, ak kimjōk kom, jab kin jītōb ak nan, ak letter einwōt jen kim im ba ran in Iroj ej itok kiōkiō;

Mat. 24. 4. 1 Jon 4. 1.

3 Ejelok juön en moni kom kin men ko jabrewöt: bwe mokta jen ran eo, e naj itok buñ eo, im arnij in jerawiwi, nejlin mij, e uaj waloktok,

Ep. 5. 6. 1 Tim. 4. 1. Dan. 7. 25. 1 Jon 2. 18. Jon 17. 12.

4 Eo ej kötörei im möke koutiej e jumae men otemjej rej naetair Anij, ak kabuñ ñön ir, eokwe ej jijöt einwöt Anij ilo tempel an Anij, im möke kwalok bwe e Anij.

Isa. 14. 13. Ezek. 28. 2, 6, 9. Dan. 7. 25. & 11. 36. 1 Kor. 8. 5.

5 Kom jab kememej ke, bwe, ke I ar ber ibemi, I ar kennanek kom men kein?

6 Im kiö kom jela ta eo ej drebij e bwe en waloktok ilo ien eo an.

7 Bwe men eo etino im nana ej jermal wöt: a juön ej böprae kiö, mae ien emwij bökklok e jen ial.

1 Jon 2. 18. & 4. 3.

8 Im ilo ien eo dri kakitötö eo e naj waloktok, eo Iroj e naj möne kin atloön im naj kokkure kin an weaktok ilo an itok:

Dan. 7. 10, 11. Job 4. 9. Isa. 11. 4. Rev. 2. 16. & 19. 15, 21. 1 Jon 1. 9.

9 Eokwe, eo an waloktok ej ekar ñön kömön an Setan, ilo kajur otemjej, im kaköle ko, im men in bwilöñ ko re riöp,

10 Kab ilo etao otemjej im nana ñön ro rej joko wöt, bwe r'ar jab bök yokwe mol ñön lomorir.

2 Kor. 2. 15.

11 Im kin men in, Anij ej jilkinlok ñön ir bwir ekajur bwe ren tömak riöp:

Rom 1. 24. 1 Kin 22. 22. Ezek. 14. 9. Mat. 24. 5, 11. 1 Tim. 4. 1.

12 Bwe En ekajet ro otemjej r'ar jab tömak mol, a rej mönönö ilo nana.

Rom 1. 32.

13 A emön bwe kimin kamolol Anij len otemjej kin kom, ro jätim, jitenburu iben Iroj, bwe Anij e ar kälet kom jen jinoin ñön lomor ilo kokwojarjar kin Jitöb eo im tömak mol:

Jap. 1. 3. 1 Tes. 1. 4. Ep. 1. 4. Luk 1. 75. 1 Pit. 1. 2.

14 Ñön eo E ar kir kom kin gospel in am bwe komin töbrök aibujuij an ar Iroj Jisös Kraist.

Jon 17. 22. 1 Tes. 2. 12. 1 Pit. 5. 10.

15 Inem, ro jätim, komin jutök im bin im kejbärok men ko emwij katakin kom kaki kin nan ak letter eo am.

Phil. 4. 1. 1 Kor. 11. 2. & 16. 13. Jap. 3. 6.

16 A E, ar Iroj Jisös Kraist, im ar Anij Jemer, eo E ar yokwe kij im letok ainemön in drio kab ke-jatrikrik emön kin jolj,

Jap. 1. 1, 2. 1 Jon 4. 10. Rev. 1. 5. 1 Pit. 1. 3.

17 En kainemöne buruemi im kabin ir ilo nan emön im jermal emön otemjej.

1 Kor. 1. 8. 1 Tes. 3. 13. 1 Pit. 5. 10.

JAPTER 3.

BAR matön jirik; ro jätim, komin jar kin kim bwe nan in Iroj en etör im aibujuij, im ein drein bar einwöt ibemi;

Ep. 6. 19. Kol. 4. 3. 1 Tes. 5. 25.

2 Im bwe En kötlok kim jen armij renana im böt; bwe e jab ir otemjej rej tömak.

Rev. 28. 24. Rom 10. 16. & 15. 31.

3 A Iroj etiljek, Eo e naj kabin kom, im wönake kom jen dri nana eo.

1 Kor. 1. 9. 1 Tes. 5. 24. Jon 17. 15. 2 Pit. 2. 9.

4 Im kimij liki wöt Iroj kin kom bwe komij kömön im naj kömön men ko kimij jiroñ kom kaki.

2 Kor. 7. 16. Gal. 5. 10.

5 Im Iroj en kajimewöt buruemi ilo yokwe an Anij, im ilo kijenmij an Kraist.

1 Kron. 29. 18. 1 Tes. 1. 3.

6 A kim jiroñ kom, ro jätim, ilo etan ar Iroj Jisös Kraist, bwe komin mökelok iami jen ro jeömi im jätömi otemjej rej etetal im jelo-mene, im jab etetal ekar ñön katak eo r'ar bök e jen kim.

Rom 16. 17. 1 Tim. 6. 5. 1 Kor. 5. 11. 1 Tes. 4. 11. & 5. 14. Jap. 2. 15.

7 Bwe komeo komij jela ekijkan an emön ami kajeöñwe kim: bwe kim ar jab jelo-mene lolapemi.

1 Kor. 4. 16. & 11. 1. 1 Tes. 1. 6, 7. & 2. 10.

8 Im kim ar jab mōña bred jen jabrewōt armij im ejelok wōnan, a kim ar jerbal im iñtan ran im boñ, bwe kimin jab kōmōn kapjeram ñōn jabrewōt lami.

Jerb. 18. 3. & 20. 34. 2 Kor. 11. 9. 1 Tes. 2. 9.

9 Jab bwe ejelok am maroñ, a bwe kimin likit kim ñōn kom kin joñok, bwe komin kajeoñwe kim.

1 Kor. 9. 6. 1 Tes. 2. 6.

10 Bwe ke kim ar ber ibemi, kim ar jiroñ kom men in, Elañe jabrewōt e jab kōnan jerbal, en jab mōña.

Jen. 3. 19. 1 Tes. 4. 11.

11 Bwe kimij roñ kin jet rej etetal iolapemi im jelomene, im re jab jerbal ñōn jirik, a rej dri kōmōnmōn bata.

1 Tes. 4. 11. 1 Tim. 5. 13. 1 Pit. 4. 15.

12 Inem kim jiroñ im kowe ro rej ein drein, kin ar Iroj Jisōs Kraist, bwe ren jerbal wōt im tōt, im mōña bred ko air.

1 Tes. 4. 11. Ep. 4. 28.

13 A kom, ro jātīm, komin jab mōk ilo ami kōmōnmōn emōn.

Gal. 6. 9.

14 A elañe jabrewōt armij e jab bokake nan in am ilo letter in, komin kili e im jab kōmao iben, bwe en jok.

Mat. 18. 17. 1 Kor. 5. 9, 11.

15 Im jab likit e dri kijirāt, a komin kowe e einwōt jeōmi im jātōmi.

Leval 19. 17. 1 Tes. 5. 14. Tait. 8. 10.

16 Im E, Iroj in ainemōn, En lewoj ñōn kom ainemōn, ien otemej, kin men otemjelok. Iroj en ber ibemi otemej.

Rom 15. 33. 1 Kor. 14. 33. 1 Tes. 5. 23.

17 Yokyokwe an Paul jenkwōn peiō, eo ej kakōle ilo letter otemej: ein drein aō jeje.

1 Kor. 16. 21. Kol. 4. 18.

18 Joij an ar Iroj Jisōs Kraist en ber ibemi otemej.

Rom 16. 24.

LETTER MOKTA AN PAUL ÑŌN TIMOTE.

JAPTER 1.

PAUL, dri jilik an Kraist Jisōs, kin kien Anij ar Dri Lomor, im Kraist Jisōs ar kejatrikrik; Gal. 1. 1. jap. 2. 3. & 4. 10. Tait. 1. 3. Kol. 1. 27.

2 Ñōn Timote nejiō emol ilo tōmak: Joij, tiriamōkake, ainemōn, jen Anij Jemer im Kraist Jisōs ar Iroj.

Jerb. 18. 1. 1 Kor. 4. 17. Tait. 1. 4. 2 Tim. 1. 2.

3 Einwōt I ar akwelap ñōn kwe, bwe kwon berwōt i Epesōs ke I ar ilok ñōn Masedonia, bwe kwon kowe jet bwe ren jab katakin kin katak ein juōn,

Pil. 2. 24. Gal. 1. 6, 7. jap. 6. 3.

4 Im kejbārok ir jen bwebwenato wan kab lajrōk in ebeben ko im ejelok jemlokir, ko rej kwalok kajitōkin ko im jab jibōñ jerbal in

Anij eo ej ilo tōmak; ein drein aō kōmōn kiō.

jap. 4. 7. & 6. 4. 2 Tim. 2. 14, 23. Tait. 1. 14. & 3. 9.

5 A tokjen nan in kowe, yokwe jen buru erreō, im bōklikōt emōn, im tōmak emol.

Rom 13. 10. Gal. 5. 14. 2 Tim. 2. 22.

6 A jet r'ar illok jen men kein im jeōrlōk ñōn konono bata;

jap. 6. 20.

7 Ke re kōnan bwe ren dri katakin kin kien eo, re jaje ta eo re ba, ak ta eo re bin im konono kake.

jap. 6. 4.

8 A je jela bwe emōn kien eo elañe ekar an armij kōmōn kake,

Rom 7. 12.

9 Im je jela bwe ar jab kōmōne kien ñōn dru wānik, a ñōn ro rej kōtōrei kien im ro re kiblia, ñōn ro renana im ro dri jerawiwi, ñōn